



Siunissamut pilersaarut 2010 – 2014

Kalaallit Nunaata Radioa

Aallaqqaasiut

Unammilligassavut pissutigalugit Kalaallit Nunaata Radioata suliffeqarfittut aaqqissuussaanera naleqqussarniarlugu ukiuni arlaqalersuni misiligaasoqarluarpoq. Innuttaasut aallakaatitassiat maani nunami suliarineqarsimasut amerlanerunissaat kissaatigaat, minnerunngitsumik aallakaatitassiarisartakkatta pitsaanerunissaat ilanngullugu innuttaasunit kissaatigineqarpoq.

Naalakkersuisooqatigiit isumaqatigiissutaanni, piffissami 2009-miit 2013-imut atuuttumi, Naalakkersuisut erseqqissarpaat kissaatigalugu 'tusagassiuititigut ingerlatsineq sanngisooq namminerlu ingerlasinnaasoq, tamatumalu tamat oqartussaaqataanerat annertunerulersissavaa', tamanna siunissamut pilersaarummi matumanii eqqumaffigineqarpoq.

Kalaallit tusagassiutaasa tusagassiorfiit nunarsuaq tamakkerlugu ingerlanneqartut pilertortorujussuarmillu ineriartupiloortut unamillertigai. Nutaarsiassat aliikkutassaqartitsiniutilu elektroniskimik siammerneqartarmata naalagaaffiit killeqarfii aporfijunnaarnikuupput. Kabeli immap naqqatigut siaagaq pigilereerparput, ungasinngitsukkullu TV-kkut aallakaatitat digital atorlugu siammerneqalissapput.

Nunami maani tusagassiorfiit nunani allani ingerlatsivissuartulli pitsaatigisunik aamma taamak sukkatigisumik pilersuisinnaanngillat - inuaqatigiisugut ikittuinnaagatta killilimmillu aningaasassaqaratta.

Inuuusuttut ingammik tusagassiorfiit maaniittut soqutigiunnaartarpaat, tugassiorfiit nunani allaneersut nutaaliortut pitsaasullu sungiusimalereernikuugamikkit. Tusagassiorfiit pitsaanerulernissaat pisariaqarpoq, kiisalu siunissamut pilersaarusiorneq aamma pitsaasumik anguniagaqarluartumillu suleqatigiinneq aqqutigalugit pitsaasumik sunniuteqaqatigiinneq aamma peqatigiisssinikkut annertuumik ingerlatsisinnaaneq atorluarneqarsinnaapput.

Siunissami pilersaarummi matumanii allaaserineqarpoq KNR-imi ukiut tallimat qaangiuppata suliffeqarfitta qanoq ingerlariaaseqarnissaanik kissaateqarnersugut. Iliuusissatut pilersaarummi matumanii nassuiarneqarpoq ukiut tulliuttut tallimat ingerlaneranni siunnerfivut angusinnaassagutsigit suliniutit qanoq ittut ingerlanneqartariaqarnersut.

Siunissamut pilersaarut una ukiuni aggersuni KNR-ip suliassai pillugit paasin-nilertornissamut sakkussiaavoq. Pilersaarut sulisutsinnut, pisortanut, siulerssunut aamma piginnittutsinnut atugassatut allataavoq.

Siunissamut pilersaarummut politikkikkut annertuumik ilalersuisoqarnissaar pisariaqarpoq. Piginnittutta erseqqissumik isummernissaat KNR-imit neriuuti-gineqarpoq. Tusagassiuutit sanngisuut perusukkunikkit taava KNR-ip siunissamut pilersaarutaa tapersersortariaqarpaat. Kulturikkut ingerlatsiviit tusagassiuu-teqarnikkut kiffartuussiviup KNR-ip immersorluarneqarnissaanut peqa-taalluarniaqqullugit politikkut qinnuigineqarnissaat orniginartuutipparput.

Atuarluarniarisi.

Peter Jensen
KNR-imisiusuni siulittaasoq

Ivalo Egede
KNR-imisortaq

Nuuk, novemberip 19-iat, 2009.

1. Kalaallit Nunaata Radioanut siunissamut pilersaarutit

Takorluukkat

KNR inuaqatigiinnik tusagassiuuteqarnikkut kiffartuussisuussasoq sanngisooq oqallinnermik aallartitsisartoq, inuaqatigiinnik ataqatigiissitsisoq kiisalu nunarsuarmioqatitsinnut Nunatsinnik ilisarinnitsitsusuusussaqt.

KNR suleqatigissallugu orniginartuussasoq sulisuuusullu piginnaasaqarfingisaminnik ineriartortitsinissaminnut ataavartumik periarfissaqarfingissagaat.

Oqariartuutit

KNR-ip inuaqatigiinnik tusagassiuuteqarnikkut kiffartuussineq pingaarnertut suliassaraa, tassa imaappoq nutaarsiassanik, paassisutissiinernik, ilinniartitsinernik aamma aliikkusersuinernik, kalaallisut aamma qallunaatut elektroniskimik atortoqarluni tusagassiornermi atortut tamaasa atorlugit sullississalluni, aammattaaq ungasinnerusoq isigalugu tuluttut nunarsuup sinnerani aallakaatitassiatigut kiffartuussineq aamma paarlaateqatigiittarnissaq anguniarlugin.

Taamatuttaaq KNR-ip kalaallit oqaasii, kulturiat kinaassusiallu nukitorsarniarlugit aallakaatitassianik aamma sullissinernik neqerooruteqarnissaq qulakkiissavaa.

KNR-ip qulakkeerinneqataaffigissavaa inuaqatigiit ineriartornerannut innuttaasut peqataanissaminnut periarfissaasa annertusarneqarnissaat.

KNR-ip suliarisartagai pitsaasuussapput, tamatigoortuullutik assigiinngissuse-qarnermillu ersersitsisuussallutik. KNR-imit paassisutissiisarnerit aamma kikkut tamarmik oqaaseqarsinnaatitaanerat ataqqineqarpoq. Tunngavissalersuilluarneq kinaassusersioruntuunginnissarlu KNR-ip pingartitarai.

KNR-ip aallakaatittagai ima assigiinngiaartigipput aallakaatitassiatigut erser-sinneqartarluni inuaqatigiinni kalaallini eqqumiitsuliorneq kulturillu aamma kulturikkut soqtigisat assigiinngitsorpassuunerat.

KNR-imi aallakaatitassiat suliarineqartartut ima nuannertigisassapput naalaartartut isiginnaartartullu aaliikkusersorneqarnertik nuannaringaaramikku piffissaq puigortassallugu.

Naleqartitavut

- Sukumiisumik misissuisarpugut, uteriitsuuvugut aamma ujartuisuuvugut
- Naammassisaqarnikkajuvugut, isumassarsiorluartartuulluta nutaaliortuullatalu
- Itisiliisuuvgut, tutsuiginartuuvgut aamma tamatigut peqataasarpugut
- Tamatigoorneq atorfissaqartippalut
- Assigiinngissutsit ataqqivagut
- Ataatsimoorluta ineriarorput
- Oqallitisisarpugut
- Inuaqatigiit qanoq ingerlanerat ersersipparput.

2. Anguniakkat pingaarnerit

Nunani allani aallakaatitassiortartorpassuarnit suliarineqartartut sanitigut nunatsinneersunik saatassaqarnissaq KNR-ip isumagissavaa. Tusagassiorfeqarfik nutaaliaasoq, pissanganartunik aamma naleqquttunik imalinnik aallakaatitassianik qassinilluunniit ukiulinnut neqeroorutissalik.

KNR-ip maani nunami tusagassiorfiit aallat aamma kulturikkut ingerlatsiviit suleqatigalugit mediat tamaasa (radio, tv nittartakkat il.il.) immersorniarpai. Tamatumani pineqarput aallakaatitassiat suliarissallugit pisariungngitsut, kisianni aamma aallakaatitassiat suliarissallugit pisariunerusinnaasut.

KNR-ip Nunatsinni tusagassiorfiit allat suleqatigalugit pitsaanerusumik annertunerusumillu sunniuteqarsinnaaneq anguniarlugu ataatsimoortumik ingerlatsisinnaanermik pilersitsiniarpoq, taamatut suleqatigiinnerit angusaqluarnerunermik kinguneqartitsisarnerat atorluarniarlugu.

Sulisut piginnaasaamikkut inerartortuarnissaminnt isumalluarnartoqassusaat atorlugit KNR naammassisaqarsinnaassutsimik pitsangorsaaniarpoq, taamaaliornikkut aamma suliffeqarfik sanngisuunngortinneqassammat.

3. Anguniakkat immikkortui

a. Imarisaasut qitiutillugit aamma aaqqissuussineq nutaaq

Imarisatigut aaqqissorluakkat ataqatigiittullu KNR-imit qitiutinnejassapput. Taa-maattumik 2010 aallarnerfigalugu suliffeqarfipaaqqissuussaanera allan-gortinneqassaaq pilersinnejassappullu

KNR-imi Siuarsaavik

KNR-imi Aallakaatitassiorfik aamma

KNR-imi Kiffartuussivik.

KNR-imi Siuarsaavik aallakaatitassanik *KNR-imi Aallakaatitassiorfik* aamma aallakaatitassiornikkut tunisassortunit avataaneersunit inniminniisassaaq.

KNR-imi Siuarsaavik

KNR-imi Siuarsaavimmi akisussaaffigineqarput ineriertorneq, siaruarterineq, aallakaatitassiatsinnik nittarsaassineq aamma saqqumilaartitsiniarneq:

- KNR-imi tamarmi aallakaatitassiornerup tamarmiusup pilersaarusiorneqartarnissa
- Aallakaatitseriaatsinik nutaanik najoqqtassialiornermik ineriertortitsineq
- Nunani allanit aallakaatitassiornermik tunisassortunit pisiniartarnissaq
- Tusagassiorfinnik allanik suliffeqarfinnillu suleqatigiinnissamut pilersaarusiornissaq
- Tusagassiuutit nutaat soorlu tv-kkut aamma mobiltelefonikkut allattarnerup imarisaasigut ineriertortitsineq

KNR-imi Aallakaatitassiorfik

Aallakaatitassiornerni tamani meeqqanut inuuusuttuaqqanullu, nutaarsiassat, aliikkusersuinermik, timersornermik, kulturimut tunngasut tamarmik KNR-imi Aallakaatitassiorfimmi ataatsimut katarsorneqassapput. KNR Kujataa aamma KNR Avannaa KNR-imi Aallakaatitassiorfimmi aamma ilaapput.

KNR-imi Kiffartuussivik

KNR-imi Kiffartuussivimmi aningaasaqarneq, naatsorsuutit, sulisoqarnermut tunngasut, pikkorissartarneq aamma ilinniaqqittarneq, IT, teknik, toqqorsivik, atortussaasivik, illuutit, saaffiginnittarfik, kantiina, vicevært aamma chaufføri tamarmik ingerlannejassapput.

b. Nunat inoqqaavi

KNR TV kalaallisut aallakaatitsisalerniarpoq nunani allani kanaalinit allaane-rusumik, taakku ukiuni 2010-mi aamma 2011-mi TV-p signalianik digitalin-gortitsinkut nunatsinni tamarmi isiginnaarneqarsinnaalersussaapput.

Nammineq TV-kkut nunanillu allanit TV-kkut aallakaatitassianik KNR aallakaatitsi-sarniarpoq nunap inoqqaavisa allat tusagassiorfiisa aallakaatitassiaannik soorlu Canadami Aboriginal Peoples Television Networkip (APTN) aamma World Indigenous Television Broadcasting Conferencep (WITBC) aallakaatitassiaannik ilasarlugit. Taakku saniatigut Nordvision, EBU aamma tusagassiornikkut suleqatigiittut allat paarlataeqatigiittarsinnavugut.

c. Tusagassiuteqarneq pillugu politikkikkut isumaqtigiissuteqarneq

Sanngisuumik inuiaqtigiinnik tusagassiuteqarnikkut kiffartuussisoqassappat aningaasaliinikkut aamma sulisoqarnikkut tamanna timitalerneqartariaqarpoq. KNR-ip sulissutiginiarpaa piffissami sivisumi atuuttussamik tusagassiuteqarneq pillugu Inatsisartullu isumaqtigiissuteqarnissaq, tassuunakkut akigitinneqartut aamma aningaasasiat qaffakkiartornerat ilutigalugit oqartussaniit aningaasaliissutit mangiarneqannginnissaat qulakkeerneqassaaq, kiisalu tamatukku saniatigut ineriertortitsinissamut aamma tusagassiorfinnik sanngi-suunik pilersitsinissamut aningaasaliissutit qulakkeerneqassapput.

Aatsaat taamatut pisoqarpat nutaamik ineriertortitsinissamut piffissaqartoqaler-sinnavoq, taamaalilluni aallakaatitassiat annertuumik aningaasartuutitallit soorlu piviusut tunngavigalugit isiginngagassiat, TV-ikkut isiginnaagassiat nangeqattaartut, radiokkut tusarnaagasiat aamma filmit aliikkutassiat tusagassiorfiit allat suleqatigalugit suliarineqarsinnaalissallutik.

d. Illumik nutaamik pisariaqartitsineq

Illu nutaaliaq uagut pisariaqartitavut aallavigalugit sananeqarsimasoq KNR-imit pisariaqartinneqarpoq. Illup maanna najugarineqartup agguataarneqarnera naleqqutingilaq.

Tamatumunnga ilaavoq servereqarfiup qilaavani erngup isaasarnera, taannalu arlalippassuarialuni iluarsaannejartarsimavoq. Illutoqaq tikittarfiusimasoq nagugarineqarsinnaanngajappoq, qisuttai asiupput. Illorsuarmi qaliaq aammattaaq imermik ajoquserneqarsimavoq qulimiguulinnut eqqussivikup qilaavani igalarisimasaatigut, taamaammat imeq qilaamiit kuuttarpoq, siallersimatillugulu anartarfinnut aamma kantiinamut imeq kusertarpoq.

Aalakaatitsivinni silaannarissaatit amigaatigineqarput ingammillu katiterivinni assorsuaq silaannaluppoq.

Namminersorlutik Oqartussanit Nuummi illup atugarisatta qanoq innera misissortinneqarsimavoq maannakkullu, erngup kusertarfii milinneqassappata aamma imermik pitarneqarsimasut kiisalu isugutserimasut iluarsanneqassappata aningaasartuutit qanoq amerlatigissanersut, uagut ilisimavarput.

e. Aningaasaateqarfik inuussutissarsiummik ingerlatsisoq

KNR suliffeqarfittut pisortanit pigineqartutut ullumikkut kisiartaalluni 'suliffeqarfiuvoq pisortat pigisaat namminersortoq' tamannalu suliffeqarfimmik aaqqissuussineq immikkut ittuuvoq. Imatut oqaatigineqarsinnaavoq Namminersorlutik Oqartussat iluani 'naalakkersuisoqarfiup ataaniitoq', tamatumalu kingunerisinnaavaa apeqquserneqarsinnaalersinnaammat KNR-ip politikkut aamma aningaasaqarnikkut arlaannaanulluunniit attaviitsuunera. Taamatuttaarlu missingersuusiornermut aamma naatsorsuusiornermut tunngatillugu maleruagassat aamma aalajangersakkat, pisortat suliffeqarfiini allani atuuttut KNR-imut atuutsinneqarput.

Aningaasaateqarfik inuussutissarsiummik ingerlatsisumut allanngortitsinikkut KNR inatsisitgut pisortanut attuumassuteqarunnaassagaluarpoq. KNR ukiumoortumik naatsorsuusiornermut inatsisip ataaniilissagaluarpoq taamaalillunilu ukiumoortumik naatsorsuutit saqqummiunneqartalissapput, ingerlatsinermut aningaasartuutit eqqarsaatigalugit ingerlatsiviup aningaasatigut qanoq inissimaneranik erseqqinnerusumik saqqummiussiviusumik. Taamatut saqqummiussisarneq pisortat suliffeqarfiutaanni selskabini atorneqarpoq nalilersuiffigineqartarlunilu assersuusiorfigineqarsinnaasoq ilisimaneqartoq.

Naatsorsuusoriaatsit taakku marluk assigiinngissutaattut assersuutitut taaneqarsinnaavoq, maannakkut ileqqusut atorneqarnerisa kingunerisarpaat aningaasaliissutit ukumi pissariarineqarfianni aningaasartuutit ilangnguneqartarerat, akerlianik ukiumoortumik naatsorsuusiornermut inatsit malillugu aningaasaliissutit pigisatut inissinneqartarput, aningaasaliissutillu ingerlatsinermut sunniutaat ukiut arlallit ingerlanerini nalikilliliissutitut aningaasartuutinut ilangngunneqartarluni, aningaasaliissuteqarnikkut pissarsiat qanoq sivisutigisumik aningaasaqarneq tunngavigalugu atasinnaanerannut naleqqiussinikkut.

Pingaartuuvorli erseqqissassallugu naatsorsuusoriaatsit nutaat kingunerisanngimmassuk KNR-ip maannakkut aamma piffissami aggersumi ingerlatsi-

nermini aningaasatigut inissisimanera, isertitammi amerlanersaat pisortanit sullissinissamut isumaqatigiissutaasimasut iluani aningaasat isumaqatigiissutaasuneersummata.

Suliffeqarfiup aningaasanik atuisinnaanerata pilersinneqarneraniilli 17,0 mio. koruunit missaanni aallaqqaatani amerlassuseqartut arlaleriarluni oqaluuserineqartarsimavoq suliffeqarfiup atuisinnaanermini atorsimasaminik utertitsilluni akilersuisinnaanginnera, maanna 15,8 mio. koruuninut apparitinneqartut. Aningaasaateqarfik inuussutissarsiummik ingerlatsisumut allanngortitsinkkut akiitsut taakku aningaasaateqarfip aningaasataanut ilangunneqarsinnaapput akiitsullu isumakkeerinnissutaanerannut tunngatillugu atukkiisimasumut aningaasaliissutitut isineqarsinnaalissapput.

e. Tusagassiutit ataatsimut illuat

Sullissivimmik pilersitsinissaq - sulissutignerani 'Greenland Media House'-imik taaguteqartinneqartoq - piviusunngortinnejarsinnaanersoq tusagassiutit allat peqatigalugit misissorneqarpoq.

Greenland Media House tusagassiorfinnik peqataasunit pigineqarpoq, aaqqis-suisoqarfiit immikkuussapput kiisalu aaqqissuisoqarnikkut sumilluunniit attu-massuteqartoqassanngilaq. Ataatsimoorussamik taamatut pilersitsiniarnermut pissutaasut makkuupput:

- Iluaquusersoqatigiittoqalernissaa anguniarlugu, ilinniagaqarsimaneq tunngavigalugu pitsaasumik avatangiiseqarneq aamma ineriertornissaq qulakkeerniarlugu,
- ataatsimoortumik ingerlatsisinhaaneq atorluarniarlugu, aamma
- tusagassiorfiit ataasiakkaat namminneq suliarisinnaasaat pitsanngorsaniarlugit.

Ataatsimut allaffissornikkut ingerlatsivimmi Greenland Media Housemi suliassat nakkutigineqartussat makkuussapput: Sulisoqarnermut tunngasut, pikkorissartneq aamma ilinniaqqittarneq, IT-mi tapersersuisutut sullissinerit, teknikkut atortunik sullissinerit, atortussaasivik, saaffiginnitarfik, kantiina, aningaasartuunik isertitanillu nalunaarsuinerit (bogholderi), siammerineq, vicevært aamma chaufføri. Ataatsimut tusagassiutinik sullissivimmi isumagineqassapput ataatsimut atuagaateqarfik aamma toqqorsivik, kiffartuusinernik arlalinnik sullissinerit atorfinit inuttassarsiussinerit, pilerisaarutit, PR, ilusilersuisartut, nutserineq, aamma assilisanik suliaqarfik, tassani pilersinneqassaaq aamma

nutarterneqartuassaaq qarasaasiami assiisivik assinik aamma assilisanik ingerlasunik imalik. Illumittaqaq piussapput ataatsimiittarfiiit radiomut aamma TV-mut immiussisarfiit, taakkununnga atuisartut inniminniisassapput. Atuinerit ataatsimoorussamik suliffeqarfimmiit isumaqatigiissutit tamanut assigimmik atuuttut tunngavigalugit peqataasunit atuinerit akilerneqartassapput.

4. Siunissamut pilersaarutit tamanut atuuttut

KNRimi pisortat ulluinnarni ingerlatsinermik qitiutitsinertik allanngortissavaat pisortatut ingerlatsilerlutik. Pisortat ineriertortinnejartariaqarput, taamalillutik atortussaminnik peqalerniassammata suliffeqarfimmi tusagassiornermik inger-latsivimmi nutaaliaasumi pisortatut sulissagaanni pisariaqartunik.

Taamatuttaarlu suleqataasut ineriertortinnejassapput, taamaalillutik misigissam-massuk ineriertornertik ataavartumillu suliaminnik taassuminngarpiaq suliaqarnertik ilumut iluaqutaasoq. Pilersinnejartariaqarpoq sulinermik nuan-narinnineq aamma suliffeqarfimmi tamarmi KNR-imik tullusimaaruti-ginnittuuneq.

Intranetti, tassani paassisutissanik paarlaateqatigiittarneq qanorlu pisoqarneranik tamanik ilisimatitseqatigiittarneq ingerlannejarnissaa pingaaruteqar-torujussuuvoq sulinitta pitsangorsarneranut kiisalu suliffeqarfimmi avatangiisit pitsangorsarneqarnissaannut.

Naggataatigut minnerunngitsumilli KNR-ip suliarisartakkani aningaasaliissutinut landskarsimeersunut nalimmassartariaqarpai. Aningaasat atugassarititaasut sinnerlugit aallakaatitassiussagutta missingersuutit sippussavagut sulisullu sulipilutsillugit.

5. Misissuinerit

Uagut ineriertortittariaqarparput periuseq Key Performance Indikators atorlugu pitsaanerusoq sullitatta iluarismaarinninnerat uuttortarniarlutigu.

Isiginaartartut naalaartartullu iluarimaarinninnerat

KNR-ip pilersinniarpaq isiginaartartut naalaartartullu isummersortarfiat, taakku ingerlaavartumik attavigineqarsinnaassapput aallakaatitassiatsinnut tunngatillugu isummertinniarlugit. Taamatuttaarlu naammagittaalliuutit iliuuse-qarfisarniarpagut, minnerunngitsumillu iluarismaarinnillutik saaffiginnissutit katarsorlugillu ersersikkusuppagut.

Suleqatigisartakkat iluarismaarinninnerat

Suleqatigisartakkat iluarismaarinninnerannik misissuineq ingerlanneqassaaq suleqatigisartakkat ataatsimeeqatigisarnerisigut, taakkunani suleqatigiinneq nalilorsorneqartassaaq.

Siulersuisut iluarismaarinninnerat

Siunissamut pilersaarummut atatillugu malittarinninnitsinnut siulersuisut iluarismaarinninnerat, ulluinnarni ingerlatsinerput aamma angusagut siulersuisut ataatsimiinneranni nalilorsorneqartassapput.

Sulisut iluarismaarinninnerat

Sulisut atorfeqartitaanerminni pissutsinut aamma suliffimmi avatangiisinut atatillugu iluarismaarinninnerat uuttorneqartassaaq sulisut taarseraannerisa annertussusiatigut aamma MUS tunngavigalugu oqaloqatigiittarnikkut.